

دائرة مخصوصه

در سعادتده باب عالی جوارنده

محل اداره :

مشرط القیم

۱۳۲۶

اخطار :

مسلكمزه موافق آثار جديده مع المنونيه
قبول اولنور

درج ايميهين آثار اعاده اولنور

دينه، فلسفه، علوم، حقوق، ادبياتده و سياستمانده و باطعام كرك سياسى و كرك اجتماعى و مدنى احوال و مشوره اسلاميه و بحث ايد و هفته ده بر نشر اولنور.

آبونه بدلى

سنه لى

التى آيلنى

ممالك عثمانيه	ايچون	۶۵	۳۵	غروش
روسيه	»	۶۵	۳۵	روبله
سائر ممالك اجنبيه	»	۱۷	۹	فرائق

صاحب و مؤسسلى :

ابوالعلا زين العابدين - ح . اشرف اديب

تاريخ تأسيسى

۱۰ تموز ۳۲۴

در سعادتده نسخه سى ۵۰ پاره در

قبرله دن مقوا بورو ايله كوندريلىر سه سنوى
۲۰ غروش فضله آلنير

عدد : ۹۹

۲۱ رجب لفرد ۳۲۸ پنجشنبه ۱۵ تموز ۳۲۶

دردنجى جلد

الدين كان فدا كارلغى بافادن چكمنه مى يزد. هر شيدن اول شود و نانيماي
بر يولنه قويه لم. قرده كي قوتمز الحمد لله او قدر كوچك كوروله جك
بر حاله دكلدر.

كوندن كونه او ايلروله مكددر. اكر بحريه مزي ده او راده يه
كتير بيايرسه ك او وقت حكومت مزك اهميتي باشقه درلو اوله جق.

سز هيچ بر زمان خاطر دن چيقار مايكز كه بتون دنيا ده كي مسلمانلر
سزه باقيور. اكر سزه اي عثمانلي مسلمانلر، اويانوب ده ايشلر كزك
بر يولنه قويه بيايرسه كز او وقت بتون جهان اسلام غيرت و فعاليت
كله جكلدر. فقط سز بو حاله كيدر سه كز مسلمانلغك ايلري كيدمه يه جكني
تماميله بيلكز. اونك ايچون اكر مسلمان ايسه كز، اكر مسلمانلغك
ايلروله مسني ايسر سه كز بتون بوتنبللكلري ترك ايدر ك، بوييس
قهوه لرك قابوسني قاپايه رق چاپاي كوركي اله آلمى، همان تارلايه
قوشملى در. زيرا يشاق آنجق چاليشانلر ايچوندر...

صوك

اسلاميتك ظهور و ترقيسى

صيات حضرت محمد

مترجى
ماردينى زاده عارف

مؤلفى
دروغور ايستاسى

ما بعد

اشبو عقائدى تلقين ايدن حواريون ايله خلفايردر اول ائنده
تعالم دينيه خصوصات مشروعه دن عبارت ايدى. اصل يهوديلر
توراتى لسان عبرانى ايله حورالرنده تلاوت ايدر و مالي سائر دن يهوديلغه
داخل اولمده لسان عبرانى يه آشنا اوليانلر سيپتواجتى او قور
وتورات كنديلرينه لسانيله شرح و تفسير ايديلور ايدى. يهوديلر تنصر
ايتدكن صكره دخى عبرانى توراتى قرائت ديكرلري ايسه (سيپتواجتى)
استعمال ايللرندن طولاني آره لرنده بر منافرت حكمفرما اولمده باشلادى
و بومانفرت نتيجه سي اوله رق عبرانييلر ديكرلرك طولخانه و ايتاخانه لرينه
باقمداقلىرندن حواريونندن (بواص) بالاده ذكر اولندينى وجهله بوكي
خير اتاخانه لرك متواليريني كنديلرينه عائد اولان ملتدن تعين ايلر ايدى.
يونانييلردن يهودى دينه داخل اولانلر توراتك ترجمه سي اولمق
اوزره (سيپتواجتى) دى دستور العمل اتخا ايدن و كندى روايتلرنجه
سيپتواجتى آيرى آيرى ويكديكرلرندن خبر سز قيمش ذات طرفندن
يونان لساننه ترجمه ايدلمش اولدينى حاله هر قيمش ترجمه نسخهلرينك
يكديكرلرينه لفظاً و معناً موافقتلرينى ادعا ايلرلر ايدى.

توراتك ترجمه سي صر دسند [بوطلومى] زماننده ير يوزى
قرانلق ايچنده قالمش اولمسييله اول تاريخدنبرى يهوديلر وقعه نك
حدوث ايلديكى [طباخ] آينده هر سنه اوروج طوتارلر ايدى.
كرچه يونان يهوديلري بيت المقدسه اقامت واسكندريه دن وانطا كيدن
وسائر ممالكدن برچوق يهوديلر بيت المقدسه هجرت ايتشار سه ده

بويله اولور سه ملت، دولت، حكومت ترقى ايدر. اما ملت
چاليشماز سه، قهوه خانه لرده وقت كچرر، اكين اكز سه دولت يشاماز.
بونك ايچون حكومتك ترقيسى آرزو ايدن هر فرد بتون طاقتيله
چاليشملى در. ملتك ترقيسى ايچون باشقه چاره يوقدر.

بن بوراده سزه دولتمزك شيمديكى حاله زباده سييله نتاج اولدينى
شيلردن بحث ايدم جكم. بن زابونيه بولونديغ زمان بالتصادف
بر كويه كيتمشدم. اويله بر كوى كه ۵۰، ۶۰ خانه دن عبارت. بويله
ايكن اوچ ابتدائى مكتبي واردى. فقط بونكله قناعت ايتمه رك
فرستدن بالاستفاده كلن مسافر وسيله سييله پاره طولايه رق بر رشديه
آچم، ديديلر، اعانه طولايامغه باشلاديلر. بش ساعت سورمدى،
لازم كلن پاره يي طولاياديلر. كيميسى بش غروش و يردى، كيميسى
بشيوز غروش و يردى، بويله لكه بن دها او كويدن حركت ايتمزدن
اول رشديه مكنتك تمنى قورمغه باشلاديلر.

ملت بويله ال برلكيله چاليشير سه البت ترقى ايدر. بوكون
دولتمز هر نوع اداره يه محتاجدر.

مكتبمز، قوتمز آز. كويلرده او قويوب يازان بك نادر.
اوتوز ايكي سنه دنبرى ييقلمش بر مملكت. بش سنه ده تعميرينى عقل
قبول ايتمز. البت زمان ايسر. اوزمانى قيصالتمق ايچونده ملتك
مماونته احتياج واردر.

بزم پيغمبر مزي بزي دائما چالشمغه تشويق ايتمشدر. كرك سوزيله،
كرك فماليه. ايشتمش سكزدر ظن ايدرم، دشمنلر مدينه يه هجوم
ايتدكلري زمان احسان، مدينه نك اطرافنه خندق قازديلر. او وقت
حضرت پيغمبر افندمز بالذات طوبراق طاشيديلر. اهاليه برابر
چاليشدى. بز بويله بر پيغمبرك امي يزد. چالشمق بزم ايچون فرضدر.
بوكونك محتاج اولديغمز رشى وارسه قوه بحريه مزدر. ملت بونك
ايچون بتون وارينى يوغنى فدا ايتملى در. يوقسه اويله ايكي غروشله،
اوچ غروشله ايش كورولمز. ملتك غيرتى بويله اولماز. دولتك شانى
يوكسلكمك ايچون ملت غيرتى اولملى در. ملت غيرتى ايسه باشقه
درلودر: جينده كنى ويرر، صوكراده قانى دوكر. هر يردمه متينغلر
ياپيلور، «صوك دامله مزه قدر قانمزي دوكه جكز» دنيور، حالو كه
صوكرادونا امانه سنه اوچ غروش ويريور.

صوك دامله قان زرده، اوچ غروش زرده...

انسان ماللك صوك حبه سنى ملت اوغورنده ويرسه، او وقت
ملت ترقى ايدر. ملت ترقى ايدنجه بويله فقيرلاك قالماز. ان شاء الله
بر زمان كله جك كه ملت ترقى ايدم جك، چقتجيار مز آراسنده او قومق
يازمق بيلمين قالمايه جق، هر كس كيجه كوندوز چاليشه جق، تارلا سنى
ا كه جك، هر درلو تجارته توسل ايدم جك، پاره قازانه جق، زنكين
اوله جق، او وقت اعانه يده محتاج اولمايه جغز. اعانه يه دولتك محتاج
اولدينى بوكوندر. بش سنه صوكراد وارسه كده آلمايه جق، ان شاء الله
او وقته قدر دولتمز ترقى ايدم جك. فقط بوكون محتاجدر.

اونك ايچون، قارداشلر، وطن اوغورينه لازم كان معامله يي،

آنحقی حورالری آری ایدی . (بولص) انجیلده بوکی مهاجرلرک احوالندن اوزون اوزادی ایضاحات و تفصیلات ویرمکدهدر .
(ایروزولیمیان) طمبلودنده بحث و تفصیل ایدلیکنه نظراً اول ائنده قیصره عزیمت ایدن خبر (لیقی) تورانک یونان لسانیه تلاوت ایدلمکده اولدیغنی کورمسیله منعه قالدشمش ایسه ده خبر (ژوزی) کنیدیسی توبیخ ایله عبرانی لسانی بیلمیان تورانی اوقومسونمی ؟ دیو منع واقعک ناجیا اولدیغنی بیان ایلشدر .
اشبو حورا مبابیتی خرسیانلق زماننده دخی دوام ایلشدر . زیرا یونانیلره سائر خرسیان اولان ملتله (سپتواجنت) دوام ایدلکری کی یهودیلرک استعمال ایتدکری انجیلی دخی قبول ایتلر ایدی . یهودیلردن تنصرایدنلر کنیدیله نجه قبول اولان ایکنجی انجیل عبرانی ایله عبرانیجه یازیلان (متی) نک انجیلانی قبول ایلرلر ایدی . حالبوکه کنیسا بونلرک قبول ایلش اولدقلری (متی) نک انجیلانی محرف دیو رد ایلش ایدی : آنحقی (ایپیانوس) کلا تدیغه کوره (ناصره) خرسیانلریله (ایپیغونت) لر بوندن بشنه برطوغری انجیل بولندیغنی ادعاسنده ایدیلرنته کیم خرسیانلر آرمسده ایلک ظهور ایدن اختلاف بونقطه دن باشلامش و برطاقی (بولص) ک و برطاقی (اپولو) نک و برقسعی دخی (سیفاس) انجیللرینه اتبعاع ایتش ایدی . زیرا حواریوندن بولان مارالذکر (سیفاس) ختانک لزومنه قائل اولدیغنی کی تورانک بالجله احکامیلده عامل ایدی .

(اپولوس) ایسه اسمندن دخی اکلشلیغنی وجهله یهودی دینه کیرمش بریونانی اولدیغندن (سپتواجنت) ی استعمال وکندی حورالرنده جاری اولان اصول و آینه متابعت ایتدیرر ایدی . (بولص) ایسه بت پرستلری خرسیانلغه دعوتله مشغول اولدیغندن ختان ایله سائر مذهب موسویده مستعمل اولان عادات و عباداته خرسیانلری متابعته اجبار ایتمز وکنیدیله خرسیانلغه استحاله ایتک ایچون حقلرنده مسامحه کارانه معاملهی ترویج ایدرایدی بوسببه منیدرکه (بولص) کنیسالرنده جاری اولان اصول آیین سائر کنیسالرده کی اصوله مخالفدر . خرسیانلرک بدایت ظهورده بوسورتله اناجیل ایله کنیسالر بیننده وقوع بولان تفرقه و مبابیت نظر دقته آلنور ایسه خرسیانلر آرمسده تمادی ایدن مغایرت مذهبیه اسبابی تمامیه اکلشلمش اولور . زیرا برطرفدن یهودیلقدن خرسیان اولانلر کنیدی عادات و عاداتلرینه مداومت ایدلکری کی یونانیلردن تنصرایدنلر دخی و قتیه کنیدی معبدلرنده جاری اولان اصوله تبعیت ایدلرلر ایدی . یهودی حورالرنده جاری اولدیغنی وجهله هر حورانک مستقل بر خبری اولدیغنی کی کنیسالرک دخی برر مستقل راهی وار ایدی . یالکیز قدس شریف بطریق جهله رهبانندن ممتاز وکنیدیلردن زکات و صدقات اخذیه سرافراز ایدی . قبل المیلاد صدقاتی اخذ وجمعه مأمور اولان احبار حواریون دینلیدیکی کی حضرت عیسی دخی او اصولی قبول وکنیدی شاگردانه حواریون نانی اعطا ایلش ایدی .
نصرانیتک اوائلنده کنیسالرده حکمفرما اولان قوانین اساسیه

ابتدایه تمامیه یهودی حورالرنده دستورالعمل طوتیلان قوانین و نظامات ایدی . شماسلر راهب عد ایدلکری کی اهالی طرفندن آرایه مراجعتله انتخاب اولورلر . اوزمانلر معبد و محراب اولمادیغنی کی رهبانیت اصولی دخی جاری دکل ایدی . آتی تعقیب ایدن بر قاچ عصر صکره (باطریا کی متوری) عنوانیه کوچک بر بطریقک وجودندن بحث اولنغه باشلانیدی بو کوچک بطریققر عنوانی حضرت عیسادن قاچ یوزسنه صکره ظهوره کلدیکنی بیله مم . آنحقی خرسیان کنیسالری بدایت تأسسده تمامیه یهودی حورالرینه مشابه و آنده عینی قوانین و نظامات و آیین و عبادات جاری اولدیغنی کی خرسیان راهبلیرنک احباریهود صفت و صلاحیتلرنده بولندقلری دخی بالجله علماء تاریخ و سیر عننده ثابت اولان بر حقیقتدر : حتی اوزمانلر کنیسالر حورالر مثللو شرقه متوجهاً انشا اولمیوب مدخل شرفدن اولدیغنی حالده محراب جهت غربیهده بولندیغنی وروماده کی (سن پیر) کنیساسی بو طرز اوزره بنا وانشا ایدلش اولدیغنی مسلم و مشهوددر .

یهودیلمکدن تنصرایدنلرک اوائلده یهودی احبارینک زیر اداره و نظارتلرنده بولنش اولدقلری قویاً محتملدر . زیرا بدایت نصرانیتده تنصرایدنلره بیله یهودی نامی اطلاق اولنور ایدی و یهودی مذهبنده سادوسیلر «اسپینلر» فارسییلر سامارینلر فرقهلری اولدیغنی کی خرسیانلقدن دخی او تفرقهلر جاری اولمشدر .

بیت المقدسده مقیم یهودیلرک اصول و عاداتلریله ممالک سائرده متوطن یهودیلرک اصول و عاداتلری آرمسده بیوک بر فرق و تفاوت موجود اولوب بیت المقدسده قوانین موسویه تمامیه جاری اولدیغنی حالده ممالک سائر یهودینه ، حکمی ساری دکلدر . حتی بیت المقدسده ایام معینهده ذبحی معتاد اولان قربانلر ممالک سائر اراضیسی ظاهر عد ایدلر کلرندن ذبح ایدلر ایدی .

(اوریکان) کتابنده یهودیلکدن تنصرایدنلرک ایو خرسیان اولدقلری ذکر و بیان و یهودی اصول و آینه تمامیه رعایت ایتدکری حالده خوارچدن عد اولندقلری درج واتیان ایدیور .

حواریوندن (بولص) خرسیانلغه ادخال ایدلیکی بت پر تله عقائد و عوائد نصرانیتک بر چوقاقسامنده مسامحه کارانه حرکات ایدلیکی حالده کنیدیسه منسوب کنیسالرده جاری اولان آیین و افروز اصوللرینه باقیلورسه کنیدیسی یهودی اولمق حسییه حورالرده جاری اولان عینی آیین و اصول اولدیغنی مستبان اولور .

بت پرستلردن یهودی اولانلر ختان ایدلمکجه رسم تعمیدلری اجرا اولمز ایکن (بولص) خرسیانلغه ادخال ایدلیکی بت پرستلرک غسایله اکتفا ایتش و بو عادت ذاتاً بت پرستلرده بر کنه ایشلندیکی حالده توبه مقامنده دکزده غسل ایتک قاعده سی جاری اولدیغندن قاعده قدیمیه توافق ایلش ایدی .

رسم تعمیدک بعض کنیسالرده جاری اولدیغنی وجهله یالکیز صو سریمکدن عبارت اولمیوب عادتاً غسل صورتیه اولمش بو حقیقتی تأیید ایدن براهین ثابتنددر . بدایت امرده مستعمل اولدیغنی حالده

عمومیة اراسنده بولنان علاقہ لری وشو علاقہ لری اوروپا حیات سیاسی اوزرنده اجرا ایتدیکی تأثیراتی تحلیل و تدقیق ایتدک، سرد ایتدیگمز بیانات اوزره اوروپا حکومت معظمه سی اتفاق، مثلث وائتلاف مثلث تسمیه ایدیلن ایکی بیوک هیئت دائره سنده تجمع ایتمشلردر، اتفاق مثلث المانیا، آوستریا و ایتالیا دن عبارتدر؛ ائتلاف مثلث ایسنه انکلتزه، فرانسه، روسیه دن عبارتدر؛ شوایکی هیئت معظمه؛ یک دیگرینه قارشو کافه شئونات سیاسیه ده رقابت کوسترمکه برابر عین مؤثرات و عواملاک سوقی ایله عالم اسلامه طوغری یورومکده درلر.

یالکز ارازلرنده برفرق واردرکه عالم اسلام بوفرقی اکلامفه واکلا یوبه کندی حرکات و معاملاتنی اکاکوره توفیق و تنظیم ایتمکه یک محتاجدر.

شوایکی هیئتدن عالم اسلام ایله اک صیقی، اک واسع علاقہ دار اولان و مذکور عالم ایله دائمی برتماسده بولنان ائتلاف مثلث ارکانی در؛ زیرا عالم اسلامک قسم اعظمی بونلرک طوغروردن طوغرویه تحت تصرفلرنده و یاخودد تره نفوذلرنده در!! بونلر بتون دقت و اعتنالیخی، بتون قوت و مساعیلریخی، تحت تصرفلرنده بولنان اقوام و اراضی مسلمه نی کندو اللرنده برافقعه برابر، ایادی اجانبک تجاوزات اغتصابکارانه - سندن مصون قالمش نوعما استقلالیت ملیه و حریت دینیله لریخی محافظه ایتمش اولان اقوام و اراضی مسلمه نی ده الله ایتمکه صرف ایدیورلر. شو حقیقتک انباتی ایچون برکزه روسیه نک خیوه، بخارا و ایرانده اوینادینی او یونلر؛ انکلتزه نک ایران، افغانستان، خلیج فارس، عربستانه و مصره؛ فرانسه نک ده مراکش، تونس، طرابلسه دائر اخذ ایتدکاری وضعیت درپیش نظر ایدلسون! لکن حکومت مذکوره نه ضبط ایتدکاری اراضی مسلمه نک حفظدن ونه نیجه اغتصابلریخی اوزاتدقلری یرلرک ضبط ایدیلر جکارندن امین دکدرلر. زیرا بونلره قارشو حال حاضرده ایکی نوع قوت ابراز فعالیت ایدیور؛ بریسی عالم اسلامک ابراز ایتدیکی حال تیقظ و انتباه. شو قوت حقدنه بزشم دیک اوزون اوزادییه تفصیلاته کریشه میه جکر. ایکنجیسی ایدیه اتفاق مثلددر! شو اتفاق مثالت عین تهالک و سرعته عالم اسلامه طوغرو شتاباندر!

ایشته بوندن طولاییدرکه ذکر ایتدیگمز ایکی هیئت معظمه اراسنده بیوک و واسع بر رقابت آچلمشدر! بونلردن ایکسینک ده غایه آمالی، عالم اسلام اوزرنده موفقیت و سبقت قازانمقددر.

لکن بو حال بوقدر واضح و آشکار اولدینی کی بزمده تعقیب ایدیه جکمز مسلکی و آلاجمز وضعیتی تعیین و تحدید ایچون کافی در! یالکز کندی وطنمیزک، عالم اسلامک منافعی دوشونلرک و یالکز شو منافعی کندیمز ایچون دستور اتخاذایده رک بزم تعقیب ایدیه جکمز مسلک همان شوایکی رقابت اراسنده او یله ماهرانه طاورانه قدرکه عالم اسلام اولدق، منفعتدار اولسون!!

فی الحقیقه شونقطه بی قطیاً اونوتیمالم که کچن مقاله مزده دیدیکمز کی عالم اسلامک کلیدی بز غنائیلرک اارنده در! بتون اوروپانک

اخیراً اتخاذا اولنان چوجقلری تعمیم اصولی برمدت جاری اولدقدن صکره بونک بریده اولدینی ترتولین و سائر رهبان ادعا و انجیلده و افتیزه دائر بر حکم و قرار اولدینی در میان ایتمشلردر.

اساساً نصرانیتهک اوائلنده جاری و اخیراً متروک حکمنده بولنان و ذاتاً انجیلده محرر و یونان کنیسانده غیر منکر اولان غسل اموات اصولنک چوجقلری تعمیمدن ده معقول اولدینی هویدادر. (نازیازت) بر راهب زاده اولدینی حالده اوتوز اوچ یاشنه قدر تعمیم ایدیلماشدر.

(والانتینا) ایله ایمپراطور (تیودوسیوس) و (سنت امیروز) و قسطنطین و اوغلی (قسطنطیوس) دخی تعمیم ایدیلماشدر. بنابرین فرق نصارادن برفرقه نک اصلاً تعمیمی قبول و اجرا ایتماماسنه شاشامایز زیرا تعمیم اساساً کنیسالرنده جاری اولماشدر. بونلردن سالسوسیتلر هر میانیلر، دروقلیانیلر، مانیشیلر تعمیمی صورت قطعیه ده رد و انکار ایتدکاری حالده یعقوبیلر، و افتیز یرینه قزغین بر تیمور ایله خرسیتیان اولانک الله خاج واری برکی یاپرلر ایدی. تفصیلات مسرووده دن (و افتیز) رسمی پت پرستلرک توبه غسللرندن مأخوذ اولدینی مستبان اولیور.

چوجقلری (و افتیز) ایتمک عادتی دخی کذلک پت پرستلرک طوغان چوجنی طقوز کون صکره (دیونندینا) نامنده کی معبدلرینه کوتوروب غسل ایتدکدن صکره اسمنی وضع ایللری قاعده قدیمه لرندن مأخوذدر. اشته پت پرستلرجه جاری اولان بر اصولی خرسیتیانلق مماشاة قبول ایتمش (و دیونندینا) نامنه تعمیم یرینه حضرت مسیح نامنه و افتیز ایدیلر کلمکه بولمشدر. کنیسالرک شرقه متوجه بنالری و کنیسا بناسنک شکلی و پاپاسلرک آیین اثناسنده صرمه لی و بیاض البسه لرا کتسا ایللری وصفال و بیقلرینک تراش ایدملری وز قاقلرده صلیب بدست اوله رق آیین روحانی اجرا ایللری و راهبلر (آنتیستیت) پونتفیس (سارسیدوت) عنوانلری ویرلسی وسنه باشی وروز خضر و مایسک ایلک کونی یورطی لری و اعزّه نصاریه ایام مخصوصه تعینیلر یورطی اتخاذا ودها بیکلرجه قواعد و عادات نصرانییه پت پرستلکدن مأخوذ اولدینی محققدر. زیرا یهودیلکدن ایرلدقدن صکره خرسیتیانلغه پت پرستلکدن بشقه برماخذ قالمشدر: حتی اساساً آیین موسوی وجهله (سکرمان) اصولنک و قتیله هرکس خانه سنده اجرا ایتمکه ایکن بالاخره کنیسالرده پاپسی کذلک پت پرستلکدن مأخوذ بر عادتدر.

عالم اسلام

عالم اسلام و سیاسیات عمومیه

بزم تعقیب ایدیه جکمز مسلک

«صراط مستقیمک» کچن نمره سنده عالم اسلام ایله سیاسیات